

# Powšitkowne WOZJEWJENJA

njedźelu, 31. awgusta 2014

## Boža mša w Róžeńće přichodnu njedźelu zašo

Kemše w serbskej rěči w Róžeńčanskej swjatnicy su přichodnu njedźelu, 7. septembra, hižo we 8 hodź. Přičina je, zo je na tutym dnju putnikowanje kolpingowcow. Putniske kemše budu w 10 hodź.

## Zetkanje Krupčanskich putnikow

Krupčanscy putnicy su wutrobnje přeprošeni na zetkanje pjatk, 5. septembra, do Chrósćic. Započinamy z Božej mšu w 19.00 hodź. Po tym zetkamy so k wječeri na farje. *Farar Gabriš Nawka*

## Zetkanje samostejacych

Samostejacy ze serbskich wosadow su na zetkanje wutoru, 16. septembra, w 14 hodź. do Domu biskopa Bena w Smochćicach přeprošeni. Zajimcy njech so hač do srjedy, 10. septembra, w redakciji Katolskeho Posoła přizjewja, telefonowe čisło (0 35 91) 55 02 12. Štóz chce wotewzaty być, njech to prošu zdželi.

## Putnikowanje z kolesom

Dom biskopa Bena w Smochćicach zarjaduje wot njedźele do njedźele, 14. do 21. septembra, putnikowanje z kolesom po Hornjej Łužicy. Wšědnje pojedu něhdže 40 do 50 kilometrow. Čary powjedu putnikow ze Smochćic do wšelakich směrow, na přikład do hole abo do lužiskich hór. Po puću budu čitanja, zamyslenja abo rozmołwy. Zajimcy njech přizjewja so w Smochćicach, telefonowe čisło (03 59 35) 2 23 15. Tam dóstanu tež nadrobniše informacije.

## Swójbne popoždny w Njebjelčicach

Wšitcy wobdźělnicy ministrantskeho putnikowanja do Roma ze swojimi swójbnyimi kaž tež dalšimi zajimcami su přeprošeni na zhromadne popoždny njedźelu, 21. septembra, do Njebjelčic. Chcemy zhladować na zhromadne dny we Wěčnym měsće a sej wšelake zajimawostki lubić dać.

Swójbne popoždny zahaji so z nyšporom w 14.00 hodź.

w cyrkwi. Na nim zaspěwa hišće raz projektny chór ministrantow. Prošu přinjesće sej mapu ze spěwami sobu. Wšitcy putnicy njech sej swój putniski t-shirt a rubiško wobleku a tohorunja spěwnik „Twoje kralestwo njech přińdže“ sobu přinjesu.

Nyšporej přizamknje so swačina. Prosimy wo to, zo bychu starši tykancy napjekli a sobu přinjesli.

Štóz je k tomu zwólniwy, njech přizjewi to prošu pod telefonowym čislom (03 57 96) 8 87 07.

*Dekanatne dušepastyrstwo we Worklecach*

## Mandželski seminar

Přichodny lětuši termin mandželskeho seminara je pjatk a sobota, 28./29. nowembra, w Smochćicach. Přizjewić měli so zajimcy pisomnje pola Dekanatneho dušepastyrstwa, Młynski puć 4, we 01920 Worklecach.